

五  
臺  
新  
志

第三冊

(24947)

五臺新志卷三

邑人徐繼畬原輯

鄭增耀

徐耘田補注

劉升瑛

名宦 修改舊志並續纂

五臺自秦漢置慮虜縣迄今二千餘年地雖荒而  
而衰延至六七百里有民人有社稷豈無子惠  
師循良之長為吾民興利除害者又豈無攘寇虐  
鋤姦宄為吾民禦災捍患者乃歷代史傳中不見

名宦

五臺新志卷三

山西圖書館  
地方文獻

一人而舊志於金源止載知州李華一傳宋以前一概闕如良由耕山樸陋風氣不開其間多讀書能載筆者自古實乏其人雖有召父杜母亦不解謳歌頌說傳之史乘則亦官斯土者之不幸也今欲搜採補輯則茫無可據僅就舊志所載稍衍其文後來之應補入者詳爲立傳庶官斯土者知臺民尙有好惡或興桐鄉祀我之思焉則臺民幸甚矣、

州縣

金李華河南河津人由進士任臺州知州爲政豈弟實力興除務存大體不尙苛刻以臺境慮虓虓陽清水諸河可以開渠灌田殷勤勸諭且爲勒石以杜訟端臺境東畔水利由此而開累官參知政事至順二年入祀名宦

修舊志

**金史地理志**河中府有河津縣非屬河南百官志州置刺史一員無知州名李華金史作李革本傳字君美河津人天定二十五年進士調眞定主簿累官至參知政事河東行省興定二年元兵入

平陽自殺以河津志及此志並字爲君美互核之  
則李革卽李華確爲史文傳刻之譌劉祁歸潛志  
又譌爲李鞏  
史載其歷官甚備而無五臺事其初嘗爲太原推  
官在泰和時五臺屬代州非其所隸其後鎮平陽  
爲河東行省在興定初元兵旣收忻代臺州亦非  
金有然華於元至順中祀入名宦其開渠又嘗勒  
石舊志言之鑿鑿則實有政績似曾官斯土而本  
傳偶遺者再四詳考乃知又爲史文傳刻之譌本  
傳言華自韓城令遷河北東路轉運都勾判官太

原推官此河北東路當是河東北路誤倒東北二  
字耳據地理志河東北路太原府置轉運使據中

州集河東北路轉運使實駐崞縣中州集太原郝  
侯字子玉官河

東北路轉運使又毛瑞卿有崞縣郝子玉此君軒  
詩又元德明有薄遊同郝漕子玉賦一詩子玉太  
原人而稱爲崞縣德明嘗往來代繁崞五臺鄰也  
時開道必經崞故與之遊皆可爲證

水利亦勾判職也則華在五臺乃統屬之官非守  
土之吏然以轉運末僚能爲近縣開渠灌田興百  
世利準於古法當祀入之名宦未爲不宜乃舊志  
遺書爲臺州知州考縣升爲州在貞祐四年三月

無論華於二年遷戶部侍郎是年拜參知政事卽  
臺州設於三月而九月元兵已自代州攻太原明  
年爲興定元年元兵徇忻代又明年元兵收代州  
下平陽而華亦殉難是立州之後無歲無兵流亡  
之不暇而猶緣飾吏治大興工役誠萬萬無此理  
故李華之祀當移之客將之列而鑿渠引水必在  
泰和之年惜勒石久佚不能舉其辭以證斯言也  
明張智陝西盩厔人由進士任五臺九年多所建造  
先是城基狹隘智拓其西而廣之官署學宮壇壝漸

次鼎新縣治規模乃備民安其政頌聲翕然

修舊志

魏濂山東鉅野人由歲貢任五臺縣立法嚴明更民

畏服

舊志

朱銳山東齊河人明宗室任五臺縣抑強扶弱廉幹

有爲陞代州知州後告歸臺民留居者三年

舊志

光祖河南信陽人任五臺縣耿介清廉始終一節增

修文廟學宮刻貪廉二箴於石以自警

舊志

楊啓春陝西狄道人嘉靖閒由舉人任五臺縣惠民  
愛士政通人和時世宗建三殿募役伐山採木時亢

旱山水不發艱於輓運啓春禱於天夕果大雨木盡  
浮出內陞戶部主事百姓涕泣攀轅送數百里據一統志

修改  
舊志

張紹芳陝西鄠縣人由舉人任五臺縣多所創建而  
民忘其勞善於撫字而民不敢狎疏滯剔弊清稅濬  
渠當時稱治績者必曰張公祀名宦舊志

崔應麟直隸獲鹿人由進士任五臺縣資性聰敏臨  
事通變廉直不受私謁懲大奸寬小過禮賢下士賦  
役均平祀名宦舊志

李楠河南許州人由舉人任五臺縣廉潔耿介政務  
畢舉任未滿調去士民惜之舊志

李承祖陝西渭南人資貫無考萬曆年間任五臺縣  
縣境西南之小管河五臺水利之最大者爲上游豪  
右所占下游不得灌溉屢訟不得其平承祖來乃親  
行履勘丈量以地之多寡定分水之日期自郭家寨  
迄東冶鎮以東各村計地六十頃十三日而一周名  
其渠曰豐樂渠邑人推官智幾先撰均平水道記勒  
石從此豪右不能侵占民享其利水無爭端迄今將

三百年雖小有變更而大致一仍舊貫云新補

宋桐山東平原人由舉人任五臺縣廉明勤幹自奉

澹泊升保安州知州行李蕭然論者謂有一琴一鶴

之風舊志

陳謙直隸蠡縣人由舉人任五臺縣政事練達催科

有方振興學校獎拔英才輿論翕然秩滿升太原通

判舊志

高數仞陝西寶雞人由舉人任五臺縣爲人長者居

官清正修城垣民不勞力秩滿升潞安通判舊志

本朝李子和順天大興人順治初由舉人任五臺縣

時

國朝初定鼎民心猶懷疑懼子和加意拊摩單騎徧

歷各鄉與父老子弟相見諭以

皇朝受天命海內即日太平宜安居樂業務農服賈

無荒本業民心大定暇則進諸生講說經義不倦尋

擢河南道監察御史士民惜之爲立生祠於文昌宮

內增改舊志

吳琮浙江紹興人入遼東籍順治六年由貢生任五

臺縣時大同總兵姜瓖反晉陽以北五十餘城半爲賊所攻據代州人劉遷受瓖僞職聚眾應之五臺土匪高山等亦聚眾剽掠合縣大亂琮與同城各官誓以死守歃血與紳衿百姓盟已而賊眾蟻聚攻城琮率眾晝夜守禦相機出城擊賊家丁吳虎吳有功皆戰死七年春姜瓖破敗餘賊悉遁五臺據寶村爲巢穴攻城愈急幾破者數矣琮灑泣誓眾與城存亡眾皆感激死鬪賊圍攻一年竟不能破會宣府總兵李延壽襲破寶村賊巢賊乃潰散城遂獲全南門甕城

有斗室琮守城時坐臥處也事平未邀薦擢士民惜

焉增改舊志

**臺邑**人閭襄有邑侯吳公守城碑記附錄

清順治大

五年大同鎮姜瓖叛晉陽以北五十餘城半爲賊所攻據方是時臺人四鄉亦多迫以叛者轉而攻臺旌旗蔽天蜂擁蟻聚攻圍之法百出其奇城中危悚待命旦夕吳公曰吾朝廷官也城破吾不敢自愛而城中男女數百生靈將齎粉矣遂會同原任朱公諱國俊張公諱贊學師章公諱時雨典史孫公諱煥巡檢王公諱育德並闔城紳衿百姓歃血城頭立誓死守各罄己貲犒城卒晝夜持戈親當矢石相機出戰家人忠死者吳虎吳有功二名此六年冬事至七年春姜寇破餘黨悉遁於臺臺愈急國家大兵又方有事於南臺之受圍期年不解寇益出奇計爲雲梯爲地洞城欲破者數次



五臺新志卷三  
七  
公益出死力以據之，士民感公之忠，益無不願效死者。時臺之四鄉焚毀已盡，孤城竟賴以全。南甕城小室，公守城時坐臥處也。迄今二十餘年，過其室者莫不撫膺流涕，乃鐫石爲之歌曰：瞻彼西山，滿目旌旗，惟茲彈丸，匪公誰依。我坐至此，風雨淒淒。

梁繼祖，遼東義州人。康熙元年，由舉人任五臺縣。在任十年，廉隅自飭，勸民開墾山荒，戶口日益。姜瓖之亂，五臺城被攻年餘，雖幸未破，而甕石坍塌，土垣亦大半傾圮。繼祖倡捐重修，乃復完整。康熙十年秋，大熟，穀有一莖四穗者，人以爲德政所致。增改舊志

周二進，字天驥，淮安山陽人。康熙二十二年，由拔貢

任五臺縣。清廉公正，豈弟爲懷。下車之始，當地震後，安集撫綏，不憚勞費。事有關民瘼者，矻矻爲之，不厭不倦。五臺徵收地丁冊籍，向交里書收執，欺隱彌縫，弊端百出。二進盡收冊籍存署中，親自檢閱，每歲過撥令業戶開單送糧房注册。民有過糧，官自守冊，諸弊悉絕。五臺分八都，都十甲，一都用催糧里老，二、五、八、一、甲又用遞年十數人。三進曰：里老已足，遞年何爲此？不過多其層折爲灘派計耳。此數百人者，工食皆取之花戶，一歲費約千金。吾稍受其勞，爲吾民省

千金之費不亦可乎於是遞年之名永遠革除北門外慮虜河齧城根爲患二十餘年三進築隄岸禦之工甫興忽夜雨河水改爲東趨不復近城人以爲仁

政之感增改舊志

**滹**邑人呂先聲有修虜河碑記茲附錄臺城負郭

前河水西北來勢迅甚北門去河計僅五十步舊緣城址有隄水順流東下轉南蜿蜒而去近以秋潦漲溢漸齧城下癸亥歲復值坤輿不甯之變傾毀不一河水益近去城僅數武而北門幾圯當是時邑侯周父師方莅蒞土葺城垣之頽墮憫閭閻之愁苦百方撫綏興實補闕起明年政通人和案課多暇覽雉堞之威迥睇河水之滄泊而慨然有憂色曰此豈城之所恃以爲固者耶砌碎石而水

蝕其下雖細流尚不可禦若經秋洪波浩瀚則城不可爲矣乃捐俸買地疏渠順其性而理之而臺之民亦且感公之恩懷公之德而樂與公以相成焉於是挾畚鍤負簣籠雲集集工不旬旬忽雷雨一夕河北徙百餘步而臺之精神上庶咸謹然稱頌以爲公忠愛之誠足以格天地感鬼神故民不勞而事竣工不費而告成莫斯城於磐石之安而與斯民保宅此上也非公之德孰足以與於此而公則謙抑遜退漠然不自有其功焉夫發泉幽谷猶著其名鑿池官署尚紀以頌况我侯德澤加於百姓精誠通於神明者乎迺爲之銘曰臺城之北虜水迅奔秋波澎湃蝕崇墉我侯戾止揚然於心自甘藜藿饒出俸金爰作之障以防巨浸風雷夜作怒濤馴行土隄石堰底定成平重閫雉堞磐石永甯惟侯之德參合天人惟侯之行動合鬼神屏藩孔固湍澹無驚千秋砥柱爲國之楨永貞於珉用垂頌聲

陸長華字袞侯江南泰興縣監生雍正元年任五臺縣清廉明幹不畏疆禦

國朝定制內外蒙古所奉之黃教喇嘛僧分六大座達賴喇嘛最尊班禪額勒德尼次之誓卜尊丹巴胡土克圖又次之章嘉胡土克圖又次之雍和宮大喇嘛又次之五臺山大喇嘛第六大喇嘛住五臺山菩薩頂黃衣僧恆千餘人內外蒙古進香者每歲四月至十月絡繹不絕檀施雲集喇嘛飼馬之草豆所用之米麥茶油向係從地糧內撥給銀一千二百兩令

喇嘛自行買用後縣令借採買之名悉數科派民間不給喇嘛銀亦不發價民間供應喇嘛每歲需五六千金大喇嘛司事之僧乘勢橫索合縣疾首蹙頰恆不聊生如是者歷有年所長華抵任欲治之因其勢力浩大未敢輕動縣人有董姓者久住五臺山長華密令刺探喇嘛不法事盡得其巔末適縣人鄭疇官檢討應

詔言事備陳喇嘛採買擾民狀奉

旨查辦大喇嘛之司事者首曰典器操重權有瑣訥

木元旦者，尤橫恣，佃戶杜青雲之妻王氏，有殊色，元旦覘青雲外出，令其徒薩木拉守門，突入犯王氏，王氏怒喊，持刀格拒，元旦驚遁，青雲歸泣訴，遂投繯死，董姓引青雲訴於縣，長華託別故遣人以柬邀元旦，至則延之上坐，長華故善拳勇，突起手縛之，元旦謾罵曰：「必砍爾頭。」長華詣驗，王氏屍捕得，薩木拉證之，元旦猶不承應，加以刑夾，乃吐實，實之獄，卽通詳，并臚列其採買擾民狀，晉撫入奏，實元旦於法，王氏隨案旌表，得

自每歲於地糧中撥給喇嘛銀一千二百兩，一切自行買用，民間採買之弊，永遠革除，喇嘛由是斂迹，合縣出水火，喜若更生，立生祠以祀之，生子或以陸命名，在任未一年，調補河津縣，士民臥轍攀轅，如失慈母，至今事隔百餘年，父老猶能詳言之。新補

陳聖敬，廣西鬱林州舉人，乾隆十年任五臺縣，持身廉潔，悃悞無華，兩辦

皇差，宣德達情，閭閻安堵，赴臺山力作者，除日給夫價外，仍各給米一升，民樂供役，後升四川知州。舊志

王家正，貴州貴陽舉人，乾隆三十年任五臺縣。在任六載，周知民隱，督修城工，甃石三層，屹然有金湯之勢，護隄外種柳數千株，人呼爲王公柳。歲旱步禱，甘露立沛，就明倫堂爲書院，捐俸延師，里民有訟者，置店簿、案簿而稽，庭無留獄。自奉甚薄，日不再肉，雙鳥終任不易。舊志

王秉韜，字含谿，漢軍廂紅旗舉人，初選陝西富平縣知縣，獲巨盜，擢河南光州直隸州，里吏議仍以知縣。揀發雲南，在滇七年，丁外艱，服闋，揀發山西，乾隆四

十一年補五臺縣，身衣大布，妻執爨，非朔望不肉食，不延幕友，刑錢案牘書啓皆手自創稿，不立帳房，日用出入令庫吏記之，洪獄聰察如神，案無留牘，每訊案畢，問訟者與差役錢若干，人初諱言，秉韜曰：渠不能負釜往，飯錢爾所應與，但言勿隱，人以實告，秉韜曰：多矣，卽呼役叱之曰：彼因訟來，城荒本業耗資，斧爾復索其若干，彼焉能堪，可還若干，役卽叩頭抱錢來，訟者當堂領之去，由是奉票役不敢多索錢，五臺舊無書院，前令王家正雖因明倫堂立書院，而脩脯

五臺新志卷三  
膏火出於自捐勢不能久秉韜乃立同善會勸士民捐資得四千金發商生息因明倫堂舊址增建齋房立崇實書院延定襄名儒劉嗣漢爲師文風頓起脩脯膏火之外分發各路立義學以教童蒙又立義倉以備出借籽種在任十年官民相親如家人父子訟獄稀少衙署寂如書齋恆讀書吟詩或爲諸生講古本大學交代每月一算每逢瓜代庫不虧一錢倉不缺斗粟乾隆四十六年

高宗巡幸五臺雁平道繆其常駐五臺山督辦行在各工委員丞倅以下十餘人秉韜赴山見沿路民夫舁大木赴工所問每日僱價若干民跪曰道臺飭鄉保所撥不給值也橐籥已罄飢不得食因泣秉韜詫曰撥夫知縣事道臺焉肯越俎此必委員舞弊耳命置道旁曰俟我謁道臺酌定僱值卽舁送勿誤一路大木置道旁者數百謁其常曰

鑿輅西巡供張之具通省官紳抒誠捐辦非比尋常徭役借資民力也五臺貧瘠山谷之民糠覈恆不飽今乃使枵腹就役市月逃亡且盡

翠華莅止設有在道旁呼冤者公能任其咎乎其常推不知曰此局員所爲也秉韜卽詣局詰責有同知某者勢張甚厲聲辨難秉韜怒拔佩刀援其帶曰可同謁道臺眾駭而分解之乃酌定僱值卽日出示民歡呼昇大木來又請於其常曰大工不能不用土然他處之土取諸地用之不竭臺山有石無土民以石塊砌爲池俟山水發稍稍淤數歲乃成田土盈一尺卽稱良田均已升科非官荒也遇大水則衝刷無寸土再砌石淤之乃復成田艱苦甚矣職從縣來見官工取土田主在道旁啜泣其情可憫乞與修復費使之再淤成田其常不得已許之秉韜卽出示定價其常苦其掣肘密函致省垣委解西餉署任來欲改其舊章民不聽曰我王父母所定也署任無如何遂仍舊貫民得僱值歡樂踴躍工不日成

聖駕來皆易衣繡跪道旁呼萬歲縣屬大南路滹沱南岸舊有腴田若干頃東西有兩潭灌溉宜稻宜藕歲徵地丁銀三百餘兩乾隆五十二年大水田被沙壓深數尺縣報司請豁司駁飭縣不敢復言秉韜時

已調榆次民赴省呈請委秉韜來勘院司委之來秉韜令掘沙至五六尺不見土曰是不能修復不斃民且逃亡官亦受累無底止時道州皆迎合司意不欲豁秉韜爭之甚力卒如所請報豁署代州州民有負質庫債者索之無償云且訟官其人夜歸墜崖折脅昇至家而卒其子訟庫主毆斃拋屍刑訊誣服已入秋審秉韜至察其寃詳請委員檢驗委員爲汪志伊亦能吏蒸檢無毆傷獄遂平反升保德州民婦有呼寃者云居黃河岸土窰夫以釘磁爲業寄銀入兩夜

有二盜踏門入室劫之去慟哭不已秉韜令代書代具報劫詞代書曰宜令報竊秉韜叱之卽以劫通報懸賞購綫兩月而三盜全獲梟其首於河干或問盜案處分重何以不令報竊秉韜曰婦年少有姿首情辭痛絕確有輪姦情事不肯言耳州民多居黃河岸穴土爲窰不成村落男子皆手藝外出守望不能相助此盜不誅沿河居民無安枕之日矣迄今八九十年保德州再無劫案數歲擢穎州府升廬鳳道奉天府尹



仁宗親政，大學士朱珪戴衢亨薦之，擢河南布政使，升河東總督卒。新續

**田**王有公餘四言四章附錄

我來未久，事未周知，兢兢業業，莫敢或馳。

我民云樸，不忍干以私，我來未久，思值本基，蒼蒼鬱鬱，維此是滋，我士自好，辱問爲師，我來未久，亟求民依，赫赫奕奕，帝豈可欺，我農力穡，地利無遺，我來未久，以清以釐，息息默默，與適天機，我商我賈，不忱官威，又因公之上峪五律二首云：案牘久勞形，公行到野坰，一溪挑亂放，三月柳初青，好雨流膏潤，新晴扇氣馨，莫嫌節候晚，春色爲多停，空曠迢迢去，峻嶒故故圍，石青芳草藉，松老翠雲歸，登眺天無極，歌吟興不違，肩輿何所事，到處喜花飛。

羅慶恩，雲南石屏州人，大挑舉人，乾隆五十二年補

五臺縣，廉靜愛民，不尚威刑，而胥役不敢爲奸，民歡樂之，在任數年，引疾歸，孫士叢嘉慶庚辰翰林，在詞

館有聲。新續

續

宋志澂，河南河內人，大挑舉人，嘉慶四年任五臺縣，性予諒，有儒者氣象，待士以禮，吏役不敢擾民，能治盜，巨匪郭保張四徐喜皆以重枷斃之，宵小斂迹，嘉慶十一年，京城有沙彌文之案，沙彌文者，直隸人性，張在京師賣拳棒，餬口，有護軍某者，直班內東華門，會借張錢，張飲醉，持鎗往索，護軍無償，張大罵，舞鎗

欲刺護軍衆護軍聞聲趨至張持鎗格鬪眾以紅杠擊之仆縛交刑部訊其姓名醉語模糊稱爲沙彌文問其籍貫詭曰五臺縣王家莊尋斃於獄部行文查拏家屬志澂方局門童試省中以六百里飛檄來志澂查縣屬有兩王家莊輕騎往查皆山僻小村無沙姓亦無在京賣藝者據實稟覆已而省中委丞倅州縣五六人來分路大索云省標且發兵來民大駭星夜逃亡入鄰縣有襁負嬰兒夜行墜崖谷死者會雁平道趙文借至志澂涕泣請曰如此洶洶且釀變故縣境如有逆犯家屬請斬職頭以申

國憲文楷呼委員來叱責使歸卽以實報院咨部部尋查明係直隸人姓張並無沙彌文之名案遂結志澂在任數年嘉慶十四年引疾歸

新續

張大業字梅岑廣東連州人進士卽用知縣道光年任五臺縣性仁厚有操守太谷孫阜昌者家巨富起新宅聞五臺山有白石採之以砌階級一石馱以兩羸運費至五十金五臺崞縣之人有曾在京師辦石工者謂青白石非

宮廷不准用訟孫姓僭越干例禁大業查例批駁謂五臺不產青白石白石無例禁明文訟者乃赴太谷具控太谷正署兩任行文移查大業以前批覆兩任得賄萬餘金爲之消弭而訟者未得賄又控於按察司司檄五臺查覆大業仍以前批上案尋批陽曲縣縣索賄六萬金令孫姓兼賄訟者案乃結後行賄索發巡撫阿勒清阿嘉大業之有守調陽曲縣尋升代州卒於任

新續

楊作梅字庾山山東濟甯州人進士卽用知縣道光十三年補五臺縣清廉明決彰瘴判然詞訟一訊卽結案無留牘胥役惕息不敢爲奸士民欣欣樂業凶暴者不敢侮善良猾賊皆逃鄰縣民間夜不閉戶遇命案驗畢訊初供確止帶正凶入城鄰證悉在屍場開釋不株累一人士民論者謂五臺

國朝循吏在任年久而有守有爲濟以學術足以追配古人者首推王秉韜次則梁繼祖周三進王家正近數十年來則作梅一人而已作梅在任五年調陽曲縣升河東監掣同知部推廣東潮橋鹽運同知未

任卒新續

**補明**傅誌字肖槐直隸靈壽人由舉人任五臺縣時魏璫餓熾天下多建祠媚之晉亦建祠五臺山祠成值熹宗崩撫按大僚皆吉服莅祠誌獨麻衰挺立不拜時論偉之本靈壽縣志

**補明**知縣劉相固安人有明幹稱王勳汶上人以威惠著王允中昌平人嘗修廟學爲士林所頌並由舉人任用戶力成山衛歲貢縣署門樓規制宏整所創建也

國朝知縣興宗漢軍人王琯濟甯人雍正中相繼任廉幹有聲梁需梓漢軍人以公正閱衛君藩開化舉人以慈愛聞柴秦貴筑舉人李知德靈州貢生皆有廉稱清靜不擾並乾隆中可稱述者舊志題名下並有評贊贅詞彙存大畧至採訪冊則以實政爲據如此類不具錄

教職

本朝章時雨順天宛平人順治初由拔貢任五臺教諭好謀善斷不類腐儒姜瓖之變與邑令吳琮同心協力共守危城者一年後擢江西都昌縣知縣舊志

王忠顯澤州人鄉試第一任五臺縣教諭高才博學  
器局宏雅集多士於學宮教誨不倦五臺文風漸起  
科目由此而盛官至平涼知府

舊志

舊志題名忠顯列明時

王瀚猗氏人副榜貢生雍正三年任五臺教諭學問  
淵博循循善誘雍正己酉壬子閒科目稱盛皆瀚所  
作育云

舊志

王兆鵬字儀九別號南池汾陽人乾隆丁卯順天舉  
人甲戌登明通榜乾隆十八年任五臺教諭性剛正

嚴毅制義理法精密得乾坤清氣擇高才生自課之  
諸生有行止不端者戒飭不貸或因訟累屈辱必爲  
申雪時知縣賴宏典性貪暴好凌折士子兆鵬屢忿  
爭宏典銜之五臺文廟年久不修大成殿樑折將傾  
兆鵬倡率重修合縣踴躍捐資工不日成規模較前  
尤宏闊已折之樑無所用諸生公議解板爲兆鵬壽  
棺非兆鵬意也宏典聞之卽通詳謂兆鵬私易文廟  
樑木爲壽棺提省訊鞫問官袒宏典坐兆鵬罪革職  
充四川極邊軍戍所有葱嶺書院士民重兆鵬品學

延之主講，凡三十四年，孳孳不倦，入學者數百人。五臺門人徐敬儒等鳩資贖罪，乃放歸里居教授，年八十餘卒。五臺學官人所稱道不衰者，惟兆鵬一人。增改

舊志

佐貳

明李昇，陝西盩厔人。洪武年間任五臺典史，值秋霜殺禾，卽以狀聞乞賑，布政司委官往勘，稱不實，置昇於獄。昇曰：爲民獲罪，雖死何憾者？庶爭訴其誣，得復職。舊志

僧官

宋眞寶，代州人。北宋末爲五臺山僧正，能外死生，靖康之亂，與其徒習武事於山中。欽宗召對便殿，眷資隆，縛眞寶還山，益聚眾助討。州不守，敵眾大至，晝夜拒之，力屈被執，抗辭無撓。金人不忍殺，誘致百端，終不顧曰：吾旣許宋以死，豈當妄言也。怡然就戮。一統志

案眞寶，北宋忠節之士，雖爲僧而非僧，列之方外，爲不類矣。僧正、僧官也，卽今都綱僧會之類，附於名宦，未爲不宜。

**注**宋史忠義有僧寶傳晝夜拒之下作力不敵寺舍盡焚酋下令生致真實至則抗辭無撓酋異之不忍殺也使郡守劉駒誘勸百方終不顧且曰吾法中有口回之罪吾既許宋皇帝以死豈當妄言也怡然就戮北人聞見者咸歎異焉

客將

本朝李延壽漢軍鑲藍旗人順治五年大同總兵姜瓖反代州土匪劉漂聚眾應之破繁峙圍代州據五臺之寶村爲巢穴圍五臺城五臺土匪高山等各聚眾剽掠合境大亂延壽時爲宣府總兵奉

命援勦佯言進勦代州潛出我口夜抵寶村賊出不意驚潰禽斬無遺慰遣脅從日數百人餘賊保上峪之摩天砦一統志名堯山砦俗名南堂砦又名七角砦砦高數百丈四面

斗絕路惟蜿蜒一綫延壽築長圍斷其汲水之路詳前

志募死士數十夜攻之賊悉墜崖死其被誣通賊者

盡釋之五臺南路之賊亦悉投誠在五臺二年班師

百姓建祠以祀據一統志補立

案康熙年間舊志嘗爲李總兵立傳故一統志採

之迨乾隆中縣令王秉韜重修縣志乃削其傳蓋因其師婚一事不洽輿論耳然姜瓖之亂賊據寶村爲巢穴延壽襲破寶村而縣城之圍解餘賊保摩天砦延壽復圍攻破之喋血兩年勦撫並用而餘寇悉平合縣耄倪乃脫殘殺之運其有造於臺民多矣昔宋藝祖不以奪民女廢郭進因其有保障北鄙之功延壽師婚固非禮然不能掩其龔定一方之功也事久論定仍據一統志參以所聞補爲立傳又舊志載張燠所撰湯公鎮撫碑記極言

**注**張燠副總兵湯公鎮撫碑記

勤在王室謂之功

夫忠君者必愛民民爲邦本誠重之矣國家選撫道擇牧令居常教養使無失家人婦子之欲安而息之則已矣萬一事出意外勞變眾興不得已而命將出師固曰翦除截滅求必如馮異曹彬乃所願也鄉者雲中假義臺境效尤蟻聚蜂屯幾及一載先是把總胡公守禦於此戢兵最嚴鄉里無擾民皆感之未幾調去而湯公適來鐵馬怒馳旌旗輝耀而紀律如常步伍不雜井井然也移駐寶鎮卽申戒令示居民約軍政而勇士懼出寬告而流民安兩月之餘油然見千村煙火四路遊人綠野青畦荷鋤而執鋤夫散亂之餘人懼其罪家互其惡逃亡流徙之不足一日視農業而務本事自非仁心善政哀劬勞而集驚鴻未能如此且寶鎮雖一鄉之彙集實四縣之通營貿易所在四民資養



國稅所出者，兵燹來，瓦礫盈街，蓬蒿夾壁，才遺株守待斃，又安望其女餘布而農餘粟湯君振動，補壞起廢，推心置腹，一爲閑奸邪偵伺之防，復通王流轉之度，以軍餉易糴，軍無不價之取，以民貨爲變換，民無藏伏之奸，兩利之道興，四方之營彙，則見小大往來，有無不窮，飲食衎衎，無舊異也。念民間止有秋禾，親騎以巡放刈，恐新招不安，乃心家至以勸改格，使宿罪者不危而安，憂家者不擾而穫，又豈特保正不擾，婦子無驚哉？每言爲朝廷官當治朝廷事，居百姓上，毋示百姓威，善之善矣。加以崇儒重道，禮上下賢，交接春風，和氣決溢，倘所謂古良將儒將非耶？四方之民感之不已，求所以不朽其功若德者，恐載道之口不足以盡之，勒之堅珉，以示後人，是爲記焉。

**補**宋賈瓊不知何許人，金兵圍太原，宣撫副使劉翰募兵四萬人，與解潛折可求約期進救，瓊以別

將自代州出敵背，克復五臺，已而潛可求敗聞，遂

不果進。宋史劉翰傳

**補**官師題名，縣自漢迄宋，皆當置令，而紀載無傳。

宋始有知縣之名，可稽者元祐中有張之才一人，

見張商英聖燈記其屬爲主簿靖康中有姚孝錫一人，詳

錄金惟貞祐初有主簿周鼎一人，定襄人，卽遷定襄丞，至陽曲令。

興定二年殉難太原，見元貞祐之末，縣升爲州，其

好問陽曲令周君墓表。詳見臺州刺史有完顏琢一人，雜錄元改刺史爲知州。

有劉繼明人，江南蘇德祿人，湖廣呂文秀三人，河南杞縣人後

占臺籍其監州為達花魯赤位知州上舊志書為武德將軍乃階名非官有伯顏丁里木丁二人均不詳何時任其職也

至正以前官未定制嘗建清涼軍有整理清涼軍團練節度使楊士衡一人金尚書慥之猶子舊志稱其天資孝弟敏學而

不注所本明復改州為縣稽諸舊志一代職官名籍較

備凡已見名宦者不復詳注其知縣有矯彬洪武十八

年董善正統九年任趙珏賈綸劉安張正楊健潘英張

智有傳宋孝黃泰王龍王文翰賈濟張侃楊奇王文

源以上十五人舊志不詳年籍劉涓宏治元年任楊信宏治十年任牛顯

順天固魯達陝西人李承祖有傳按承祖任於萬

分無從位置姑仍之年楊剛直隸蘄州人樂標山東膠州人

董慶直隸獲鹿人王言直隸定興人潘輅山東嶧縣人魏濂有傳朱

銳有傳光祖有傳劉相附傳楊啓春有傳張紹芳有傳張廷鳳

直隸魏人徐鳳懷來衛人朱廷相龍門衛人楊維棟直隸

人歲貢袁國詔陝西延安人王勤附傳崔應麟有傳康邦國

直隸深州李楠有傳苗自碩河南鈞州人劉一登河南睢州人

宋桐有傳張一良直隸蠡縣人張至治河南甯陵人張學顏

直隸興安劉世芳河南羅山人王允中附傳陳謙有傳常

自新、河南蘭陽人、孫淵如、高數仞、有傳、包成道、陝西甯州人

歲、于高躍、直隸靈壽縣人、歲貢、田戶、力附、李養才、鎮番衛人、張

書紳、河南信陽州人、歲貢、韓文煌、山東蒲臺縣人、歲貢、梁可述、四川仁

人、李天緒、河南汲縣人、雷應科、潞陽州人、馬貢、河南信陽州人、傳

誌、有傳、胡天賜、王應元、河南桐柏縣人、杜其漸、顧文光、直隸

縣、文運開、陝西人、凡六十八人、其屬無丞簿、惟置典

史及巡檢、巡檢無考、明史有高洪口、及大峪、典史

李昇、有傳、張文、陳善、方海、張仲文、張安、杜鸞、固安人、鄭

麟、德州人、張恭、臨越人、張仲文、文安人、方君卿、王通、直隸人、賈

偉、程忠、趙祥、張光普、涇陽人、陳表、龐深、胡城人、任良桂、

劉志皋、平原人、魏藻、劉雲、葭人、陝西人、孔守業、高若孫、鳳

人、胡其化、湖廣人、周思孝、鎮江人、郭獲、嘉善人、陳棟、鎮江

李維唐、凡二十九人、學官之制、亦惟明最詳、縣設

教諭、訓導、教諭有賈執中、山東威縣人、劉傑、直隸獻縣人、顧

章、江南華亭縣人、張鐸、山東平度州人、王大輅、山東濟南府人、劉卿、河

州人、溫玉、陝西人、石瑁、河南人、胡雲霄、山東嶧縣人、黃鉞、直

興、濟人、主旗、山東武定府人、張鸞、陝西清澗縣人、賈廷璽、張欽、直隸

縣、劉乾、保安衛人、霍自新、馬邑縣人、閻龍、岷州衛人、甯尚德、太醫

院

郭錦左衛人、王忠顯有傳、盛名揚順天潮縣人、吳行可臨汾縣舉

人、石應魁直隸獲鹿縣舉人、張文翼絳縣人、安承散直隸柏鄉縣舉

縣人、凡二十五人、訓導有齊亨、郝仲良臨汾縣舉人、張班

劉質江西萬安縣人、韓竝直隸雄縣人、李永吉直隸邯鄲縣人、蔡玉河南

安陽縣人、解友誠河南信陽州人、蒸能河南歸德府人、陳鳳直隸欒城縣人、鄧

惟清直隸藁城縣人、白世恩陝西清澗縣人、王大道直隸邢臺縣人、郭自

新、山東嘉祥縣人、王應魁陝西興平縣人、吳汝遜朔州人、張有執河南

山陰縣人、左瀛汾州府人、王應選河南洛陽縣人、陳民愚吉州人、王道

正、絳州人、杜滄臨晉縣人、韓珩蒲州人、凡二十三人、以上

皆不詳  
年分

國朝知縣以專難簡缺歸部銓選舊志所書半為攝

署茲削之別附見於後餘如前例其在順治年者

何迥秀直隸正定府舉人、李子和有傳、張贊山東濟甯州舉人、朱國

俊順天三河縣人、吳琮有傳、董以威江西臨川縣舉人、惠濂直隸安平

縣人、夏大廷浙江泰順縣人、恩貢、葉自燦浙江義烏縣人、功貢、孟養浩

萬全衛人、朱永祚山東高唐縣人、萬鍾遼東人、康熙年梁繼祖

有、陳恭福建侯官縣人、周三進有傳、方正璣安徽桐城人、歲

貢、三十、楊瞰雲南定遠縣舉人、陸長華有傳、雍正年興

宗附傳王瑄附傳乾隆年梁需梓附傳陳聖敬有傳衛君藩

附賴宏典江西定南人貢柴蔡附傳王家正有傳郭廷

贊江蘇吳縣舉人李知德附傳王秉韜有傳何延禮順

宛平縣舉人屠珂江蘇武進縣人羅慶恩有傳嘉慶

四十八年任

年宋志澂有傳上琮順天寶坻舉人洪熙順天大興縣

年道光年黃天相河南光山縣人張大業有傳黃炳

勳即天相楊作梅有傳劉潛之山東東平州人周

人甲湖北蒲圻縣人拔何玉端直隸饒陽縣人進

張舒翰江西永豐縣人庶咸豐年馮晟江蘇武進

三年余紹昶江西奉新縣人同治年張汝清山東館陶縣舉

人二章貴誠順天大興縣人光緒年劉自立直隸

縣人進士孫汝明順天大興人今王步墀江西建昌舉人

典史順治年有孫煥潘宏錦浙江紹興府人馮天梓紹興

升安慶府照磨康熙年有張師孔陝西富平縣人邵作梅

紹興府人二石鍾英江西人四黃中江西南昌府

任雍正年有趙賓順天三河縣人乾隆年有潘天常

安徽太平縣曾文之江西瑞金縣人三李紳麟江

高瀆縣人鄭堪漢軍人二董邦畿浙江仁和县人四

十一年齊眉江蘇儀徵縣人順天大興縣人復任姚景廉順天大興縣人四十四年

任張夢馨直隸南皮縣人嘉慶年有梁傳榮湖南人

縣人十一年徐大勳順天大興縣人道光年有朱鏞江蘇人

宜興縣人周紹祖湖南長沙縣人咸豐年有胡莊

七年任順天大興縣同治年有朱承銅順天大興縣人

人七年任張鈞河南祥符縣今張鼎勳直隸邯州人增

巡檢舊駐高洪口乾隆七年移臺懷鎮順治康熙

年有王育德余鶴楨吳裕光劉士奇劉貞紀文燦

年籍王湜浙江杭州府人徐宏熊江蘇吳縣人康熙三十五年任李席珍

陝西臨縣人朱武德順天房山縣人雍正年有

四十四年任趙翰升浙江錢塘縣乾隆年有孫蘭言順天宛平

年任曹瑗浙江海鹽縣李霖江蘇陽湖縣人楊光旦

順天大興縣王鍾耀河南永城縣人朱宏順天大

人四十年任嘉慶年有張子雲四川雙流縣曹瑞元江

五十一長宵縣人高鵬飛順天通州人道光年有張霑順

四年任大興縣人張鑑江蘇蕭縣人曾慶源順天大興縣

元任咸豐年有張燮浙江嘉善縣同治年有孫保康

順天通州黃同勳順天大興縣今胡伯虎河南洛陽縣人

人七年任

五年任

教諭順治年章時雨，有傳趙育溥，沁水縣舉人，景謙，

安邑縣人，康熙年有姬譚，高平縣人，升田公玉，失

升陽和高路于王，安邑人，四張曙，五十祝國旗，臨

山衛教校，十四年任，張曙，年任，祝國旗，汾

縣人，五十，雍正年王瀚，有傳張天錫，榆次縣舉

年有趙文晟，忻州舉人，王兆鵬，有傳劉國璋，太平縣

二十二年，賈可全，太谷縣人，平梓，壺關縣舉人，聶增，

冀城縣人，副貢，李天寵，文水縣舉人，嘉慶年有寶

四十五年任，李天寵，五十二年任，嘉慶年有寶

淵傳，沁水縣人，拔武祐吉，榮河縣人，拔王嵩年，介

縣人，二十道光年有王德嘉，解州人，副劉德明，長

一年任，縣人，拔貢，馬邦本，絳縣人，拔貢，舒錦，高平縣舉人

十二年任，汾陽縣人，拔胡體仁，榆次縣人，副貢，黃四

段可政，貢，二十年任，咸豐年有白顯宗，襄陵縣人，副翟炳

如，絳州舉人，咸豐年有白顯宗，襄陵縣人，副翟炳

臨汾縣舉，閻希憲，壽陽縣人，同治年有李傳訓，臨

縣人，九年，光緒年有衛天鵬，曲沃縣舉，今崔鍾淦，汾

縣舉人，八年任，訓導順治康熙年，有李嘉會，李燦，沁水縣人，邱允昌，山

縣人，侯璿，劉景昌，朔州人，崔儒燭，賈煒，李明信，陳振瑛，

澤州人、楊荃、蒲州人、孫興宗、應州人、康熙三十八年任、李志元、安邑人、

四十年任、牛錫疇、澤州府人、四王朴、芮城縣人、五孫起

年任、臧遠、衛人、五、雍正年有盧標、朔州人、鄭屏同、鄉

縣人、八、乾隆年有董大鵬、徐溝縣人、鄭維、偏關縣

任、梁柱、右玉縣人、周遠、浮山縣人、二張四美、樂平

人、三十、姬夢彪、鳳臺縣人、三馮步月、靜樂縣人、四

五年任、陳龍化、太谷縣舉人、郭泰交、鳳臺縣人、五嘉慶年

有馬步蘭、解州舉人、顧維翰、陽城縣舉人、道光年

有穆九齡、渾源州舉人、張兆祐、浮山縣舉人、王基鎬、榆

縣舉人、二、咸豐年有趙滄、榆次縣人、王廷蘭、臨晉

人、六、今韓友賢、忻州舉人、同

其知縣攝署者有蔣瑄、周銘詒、顧弼、劉日暄、章嵩

武甲登、朱溶、彭由義、袁成烈、任會葵、並乾隆中、李

作霖、嘉慶中、顧錫升、賈葵、張映南、姚潤之、盧誥、王

成、並道光中、林植棠、施莘任、並咸豐中、曾思濬、張

應豫、宋震霆、劉晉泰、並同治中、劉鍾麟、王協、一范

基、鉞、袁敬、丁啟、字並光緒中

營弁、從舊志附見、城守把總、有石順、應州人、雍正中



任馬洪耀陽高縣人周光宗代州人杜統轄大同人王安大同人

縣人並乾隆中任張熊章岳陽縣人今任金剛庫千總

秦信右衛人康熙中任薛英西甯縣人次卿大同縣人雍正中

任李通大同縣人營林河曲縣人劉進忠大同縣人趙國濱玉田縣人

史秉公大同縣人田永恆天鎮縣人並乾隆中任把總李朝

棟大同縣人今任臺懷鎮把總有李威大同縣人次卿大同縣人

縣人並康熙中任劉定元龐起明夏聯甲馮德張發

祥並大同縣人田永恆天鎮縣人哈蘭泰鑲藍旗人朱龍阿大同縣人

姜調元大同縣人並乾隆中任李齒懷仁縣人今任寶村

鎮把總有董禎大同府人康熙中任趙成德大同縣人張繼

齡大同縣人並雍正中任任麟大同縣人張玉柱陽曲縣人董錦

大同縣人郭廷秀大同縣人並乾隆中任今改外委

人物

五臺漢之慮虜屬太原郡幅員甚廣而自金源以前絕無可紀之人物意嘗疑之毘連之代州崞縣名賢有周黨荀恁王霸名將有張黎史建塘郭崇韜楊沂中五臺土壤相接而自兩漢迄唐宋千餘年中不產一殊尤英傑之士不亦異乎蓋嘗推求其故地表延至六七百里而萬山蟠布無平土民生山谷間混沌樸鄙見聞寡陋耕田服賈之外絃誦者稀又地不臨邊非如雁代之控絃躍馬嫺於

武事故建置闕千餘年而文武兩途無顯著者地勢使之然也然自金以後建勲業樹名節道問學者代有其人倘亦地氣之久鬱而漸紆與舊志於人物一門分鄉賢名臣儒林隱逸四項以張大節聶天驥爲鄉賢以楊慥爲名臣而以張大節之子巖叟入儒林殊屬牽強無理夫立德立功立言古所謂三不朽也於三者有其一二在一邑中即可列於人物縣志與國史不同多列名目適增抵牾耳今照一統志之例統目之以人物而以仕與未

仕分其先後其不入人物一門者別立鄉善一門以收之

出仕

五代僧繼容故燕王劉守光之子爲人多智善商財利

自北漢劉崇世頗賴之繼容能講法華經四方供施

多蓄積以佐國用五臺當契丹界上繼容常得其馬

以獻歲率數百匹又於柏谷置銀冶募民鑿山取礦

煎銀仰以足用卽其地建寶興軍承鈞拜繼容爲鴻

臚卿至太師中書令卒追封定王

五代史

案繼容以智計籠財利佛法之所訶也然劉氏父子以太原片土支撐柴趙延血食者數十年財賦所出皆取辦於繼容其才智實有過人者昔之契丹卽今之蒙古其崇信佛教自古而然今每歲四月至十月內外蒙古各部赴臺山進香者絡驛於途植施山積青衣黃衣之僧數千人皆仰給於此實繼容爲之濫觴也其事闕臺山古今大局固不可以不著又繼容嘗爲鴻臚卿至太師中書令追封王爵則官而非僧矣儼劉秉忠姚廣孝之例固不當入於方外也紀五臺之人物而首之以一僧必有譏其怪誕者將俟有識者論定焉

**圖**五代史東漢世家守光之死繼容以孽子得不殺削髮爲浮圖後居五臺山以老病卒雜傳劉守光深州樂壽人

金張大節字信之五臺東崗村人擢天德三年進士策調崞縣丞改東京市令世宗判留務甚愛重之海陵修汴京以大節領其役世宗改元於遼東或勸赴之富貴可一朝遂大節曰自有定分何遽爾隨例補

尙書省令史擢祕書郎大理司直會左警巡司缺世宗謂宰臣曰朕得其人矣遂授大節俄以杖殺豪民爲有司所劾削一階解職未幾授同知州防禦使事入爲太府丞工部員外郎蘆溝水囓安次承詔護視隄城擢修內司使推排東京路戶籍人服其平進工部郎中時阜通監鑄錢法弊與吏部員外郎麻珪莅其事積銅皆竄惡或欲徵民先所給直大節曰此有司受納之過民何與焉以其事聞卒得免徵就改戶部郎中定襄退吏誣縣民匿銅者十八村大節廉得

其實抵吏罪授工部侍郎改戶部世宗東巡徙太府監諭之曰侍郎與太府監品同以從行支應藉卿蒞耳尋爲宋生日使還授橫海軍節度使謁顯宗東宮顯宗撫慰良久曰萬事惟中可也因勝其堂曰惟中後河決於衛橫流而東滄境有九河故道大節卽相宜繕隄水不爲害世宗嘗謂宰臣曰人多稱王脩能官以朕觀之凡事不肯盡心一老姦耳張大節負性剛直果於從政遠在王脩之上惜乎用之太晚又屢語近臣曰某某非不幹然不及張大節忠實也其見

五原縣志卷三  
知如此章宗卽位擢中都路都轉運使因言河東賦  
重宜減議者或不同大節以他路田賦質之遂命減  
焉乞致仕不許徙知太原府以并代鄉郡故優寵之  
近郭有男子被殺者聞其妻哭聲不哀召而審之果  
爲姦夫所殺人以爲神授河東路提刑使未赴留知  
大興府事治有能名閱歲移知廣甯府復請老授震  
武軍節度使部有銀冶有司以爲爭盜由此生眾議  
皆以官轄爲便大節曰山澤之利當與民共且貧而  
無業者雖嚴刑能禁其竊取乎宜明諭民授地輸課

則游手有所資於官亦便上從其議是年復乞致仕  
許之仍擢其子尙書刑部員外郎巖叟爲忻州刺史  
以便祿養永安五年卒年八十大節素廉勤好學能  
勵勉後進自以得學於任偶待偶子加厚滄州徐躡  
太原王澤大興呂造經其指授卒成大名士論以風  
監歸之善奕當世推爲第一嘗同新進士呂子成輩  
宴集狀元樓賦詩曰鸚鵡新班宴杏園顧嗣立詩林  
韶濩載此詩  
此句下夾注云唐人不妨老鶴也乘軒龍津橋上黃  
詩殿前鸚鵡喚新班據中州集  
增修舊志  
金榜三見門生是狀元一時傳爲佳話

張巖叟字夢弼大節子大定十九年進士調葭州司候判官再除雄州觀察判官補尙書省令史除大理評事再遷監察御史同知河東北路轉運使事中都路都轉運副使刑部員外郎忻州刺史以父憂去官起復大理少卿河北東西大名等路按察轉運副使累遷刑部侍郎兼夔王傅太常卿兼國子祭酒大安三年蒙古內侵京城戒嚴朝廷欲塞諸城門爲兵備集三品官議於尙書省巖叟曰塞門所以受兵是任城而不任人莫若遣兵擇將背城疾戰時議多之除

鎮西軍節度使移定國軍貞祐二年改昭義復移沁南逾年致仕退寓洛陽卒巖叟吏事不及父而以長厚見稱子待舉臺掾選授奉御大正末從車駕東狩不知所終

據中州集  
修補舊志

楊慥字叔玉五臺善門村人承安五年進士歷州縣入爲尙書省令史拜監察御史侍御史京西大農司丞京南司農卿戶部侍郎權尙書自入戶曹卽有相望資器雅重事無巨細處之皆有法至於知朝廷大體則非他人所及也京城受兵權參知政事明年卒

於河平姪士衡元代爲清涼軍團練節度使

修舊志

案楊戶部金史無傳舊志係採錄中州集集載叔玉詩二首遺山謂叔玉文工於詩而人不以能文稱特未見其文耳今叔玉之文無一字流傳蓋兵燹之後全歸烏有也

聶天驥字元吉五臺溝南村人至竇元年進士調汝陰簿歷睢州司候封邱令興定初辟爲尙書省令史時胥吏擅威士人往往附之獨天驥不少假借彼亦不能害也尋授監察御史夏使賀正旦互市於會同

館外戚有身貿易於其間者天驥上章曰犬官近利失朝廷體且取輕外方忤太后旨出爲同知汝州防禦使事未赴改陝西行尙書省遙領金安軍節度副使兼行尙書省都事未幾入爲右司員外郎轉京兆治中尋爲衛州行尙書六部事慶陽圍急朝廷遣宿州總帥牙古塔救之以天驥充經歷官圍解從別帥守邠帥欲棄州而東天驥力勸止之不從帥坐是被逮繫天驥降京兆治中尋有訟其寃者卽召爲開封僉事旬月復右司員外郎丁母憂未卒哭奪哀復職



哀宗遷歸德天驥留汴中崔立之變天驥被劓甚臥  
十餘日其女舜英謁醫救療天驥歎曰吾幸得死兒  
女曹尙欲我活耶竟鬱鬱以死舜英葬其父之明日  
亦自縊天驥沈靜寡言不妄交起於田畝能以雅道  
自將踐厯臺省若素宦然諸人多自以爲不及也

舊志

**注**歸潛志金亡士流之在位以節死者惟元吉一  
人又云金自南渡後吏權大盛其轉遷與進士等  
皆賊臣高琪主之冀禹錫同誅高琪詔下寄驛元  
吉詩云開函喜讀古詩一語海窮愁一縶無其說

帝廷新殛鯨逆知天意欲亡吳兩朝日月開明詔  
萬國衣冠入坦途莫向新亭共囚泣中興豈止一  
夷吾

喬天翼五臺人金末爲合河令元兵陷城不屈死

一統

志興縣  
名宦

**注**合河紀聞興定三年八月丁丑元兵下合河縣  
縣令喬天翼死之明嘉靖三十三年提學閣公以  
天翼莅城有功臨難死節請入正祀

明田載五臺人洪武初以才器擢雲南監察御史建

文時罷歸成祖復召用之辭以老病敕賜冠帶燕賞以歸居鄉被服常如布衣人莫識爲宦達也

舊志

齊麟五臺佛池村人洪武乙丑二甲第一名進士與狀元黃子澄探花練子甯齊名由翰林院編修累升禮部左侍郎當時稱爲理學名臣四方士大夫咸宗

師之

舊志

王源五臺河東村人宏治己未進士由刑部主事累升四川按察司僉事正德六年流賊藍廷瑞竄擾蜀中源提兵營山禦之賊敗走夜半僞充官兵詐開城

門遂僭號源抗節罵賊身被十餘創而死事聞贈按察使陰子世襲振武衛百戶建坊旌表

修舊志

安瑄五臺人由例貢任開封府夏邑縣丞正德七年流賊入境多方捍禦城守不支罵賊遇害事聞贈開封府知府陰子安節入監

舊志

楊夢弼五臺古城村人萬曆庚子舉人初任河南浙川縣值飛蝗徧野處處成災夢弼虔誠拜禱蝗不入境時萑苻盜起夢弼親詣賊壘諭以順逆賊羅拜解散調繁榮澤有巨憝祝布者惡同軼解官民莫敢誰

何夢弼卽時禽獲杖斃合境稱快升陝西鞏昌同知中州撫按交疏請留士民詣闕借寇遂改授開封同知時本府儀封王所爲不軌夢弼請撫按劾奏撫按難之夢弼大言曰讀聖賢書所學何事孔子墮三都強公室也今強藩不法安忍坐視遂詣闕具疏王懼遺金十萬卽將原金奏解詔削王爵爲庶人名震中州人有小包爺之稱神宗親書御屏曰天下清官第一員敕書褒美遇父喪歸廬墓三年竟以哀毀踰制卒開封士民呈請入名宦

舊志

姚一讓字虛如五臺溝南村人萬曆癸卯舉人初任直隸滹縣知縣舊規每歲按里派銀三千兩爲縣官公費一讓至卽革除之丁母憂服闋補昌黎縣治績稱最移陝西秦安縣秦安地瘠民貧水旱連年民轉徙四方逋賦數萬官以催科呈議者數任一讓至力請於撫按特奏蠲除乃招集流亡開墾荒萊三年之內民皆復業以能升南京兵馬司再升刑部主事差恤刑直隸入府有縣令犯罪法不當死原審坐以大辟一讓詳其寃出之其人感激持萬金爲壽一讓怒

曰吾平反冤獄耳豈驚獄乎斥卻之尋陞本部員外郎晉郎中出爲陝西隴右道抵任值流寇猖獗秦州被圍一讓親當矢石與士卒同甘苦士皆感憤死守賊圍攻八月不能破乃解去積勞成疾卒於家事聞詔書褒美崇祀鄉賢

修改舊志

**田**

邑人王運元奉議大夫姚公墓志附錄

君諱一讓字虛

如歷官二十餘年入轉而至隴右兵備所居職皆克稱而於恕之政尤多既去而民之思慕其德者二三世不能已公之爲諸生也抑屢挫矣嘗曰士平生事業於窮定之於達徵之庶謹端方繩趨尺步不肯以絲粟不善累其身既貴謙退如寒士飲食衣服樸陋不治田園人見公榮仕數十年自奉

淡薄咸藉藉嗟歎不置就知其素矢不苟哉年四十四登萬曆癸卯鄉薦初仕直隸鄆縣知縣縣例每歲里下派銀三千兩爲縣官費公至卽除其例勒石以絕後弊丁太君憂服闋補昌黎知縣考績稱最遷陝西秦安縣秦安地瘠民貧加以水旱頻仍民率逃徙四方通糧數萬縣官每坐愆斥公至縣力請於巡按奏疏蠲除公招集流散開墾荒萊三年之內民皆安堵復業以能陞南京中城兵馬司再陞刑部主事任法平允欽差恤刑直隸入府一切繫獄必先求其生不得然後置之於法有縣官犯罪法不至死審刑坐以大辟公詳其冤出之其人感激持萬金謝公責之曰懲巨惡赦小過恤刑職分事吾幸免濫入之過已耳何德於子而以金謝吾豈貪金賣法者責卻之復命陞本部員外三年陞郎中轉陝西隴右道始至任值流寇亂秦州被圍公親當矢石撫循士卒同其辛苦士皆感憤死守圍八月賊知公忠勇方畧乃解去秦城賴全公積勞成疾告歸卒於家年六十九事聞詔書

褒美崇祀鄉賢公先娶白氏早卒贈淑人繼娶張氏誥封淑人生三子長之澤汾陽縣訓導次之潢庠生邑稱長者季之濱廩生早卒始葬於城北龍泉山後以河徙近塚遷城南鳳山之陽屬余表之也及當利害之際所以為民者如父母之於子古之良有司曷以加此然公之秩日進而德不虧朝廷之報公與公之所以報朝廷者俱無歉焉吾猶意小心奉職者可以勉之及觀秦州之命能以垂白書生卻射狼蟻附之眾聖人之所謂仁者必有勇公殆近之矣  
嗚呼豈不遠哉

楊一輝五臺人金禮部尚書鐸之後由貢生任遼東衛經歷鯁介清廉不事逢迎指揮黃貢遺金三百兩堅卻不受日賄賂公行時事可知矣遂棄官歸不見

邑宰不請託私事力田奉親以終舊志

張蘊道五臺東茹村人由貢生任知縣有政績陞通判大兵征蠻運糧有功陞永平府同知百姓頌之卒

崇祀鄉賢修舊志

徐光澄字美清五臺建安村人父鏞以歲貢官定陶王府教授經術為鄉里所重人稱兩泉先生光澄好讀書以歲貢官甯夏府經歷居官勤能稱職至天啓閒見時事日非天下將亂遂謝病歸於建安西北之潭上鑿土窰三洞以居藏書塞滿晝夜披吟倦則登

潭上山頂俯瞰滹沱眺望南北山色蕭然自得謝絕  
人事晚歲移居東冶鎮仍時時讀書土窰中窰已塌  
陷地基數數易主人仍稱爲美清窰

新補

國朝閩士樟字大木五臺溝南村人幼喪母鞠於舅  
氏遂從鄭姓以貢生選直隸交河縣時滿漢官兵南  
征居民多逃亡士樟至招徠安集流亡皆復業親王  
統大兵南下鄰邑設飲饌甚豐士樟持一蒼鷹攜一  
瓶酒詣王曰交民貧供張不備罪在邑令王嘉之賜  
坐設食賞賚甚渥居未一年撫按薦章列第一將行

取入臺垣適丁舅父鄭公憂去職先是舅父鄭公病  
且危有客勸令歸宗可不誤升途士樟曰見利忘義  
人其謂我何卒丁舅父憂服闋選補江西德興令時  
盜賊滿山谷城池無守禦具士樟至晝不巡夜不柝  
忽一日召鄉夫修城率之至一家曰圍此室擒賊則  
衙快李某家也縛其渠魁密室中得刀銃數百事大  
將軍印一枚解赴江撫撫大喜馳疏入奏匿不言士  
樟功士樟亦不自列邑有捕盜至者士樟輒給牛種  
令歸耕由是盜悉化爲民終士樟任無盜警有上官

求貨弗得會巡按入境因譖之及察吏試策士樟首呈卷巡按閱之驚歎注上上考上官大慙尋復丁舅母憂康熙戊戌選補江西永甯令始復姓閩永甯有積荒地千餘頃歛課至萬餘金官民交困士樟涕泣請於巡撫具疏豁免舊額課萬石減至三千石民出水火喜若更生流亡復業百廢漸舉居無何忽部議以造魚鱗冊遲延降調魚鱗冊前任歷七年造未完士樟履任督能吏一月造完院報部未分析致呈吏議院大悔疏請開復士樟以數奇屢挫不欲復仕入

身措貸貲斧將謀歸臥避疾卒於南雄士樟有幹濟才而不竟其用人皆惜之其不肯復姓致遭重喪誤薦擢尤其節行之大者先是順治五年大同總兵姜瓖反代州土匪劉遷聚眾應之據五臺之寶村爲巢穴五臺土匪亦蠡起賊聞士樟名欲脅使從逆士樟潛送妻王氏於母家山中獨夜半入城與邑令吳琮畫守禦策賊數萬圍攻不能破王氏至母家賊聚眾攻其堡寨寨將破王氏罵賊從寨壁一躍而下冒雜樹藤蔓上得不死賊去眾以長繩繫援而上人皆以

爲神護云子襄以文學知名別有傳

新補

**注**馮雲驢有間大木先生傳附錄

先生諱士樟字大木晉五臺人

孝友仁厚好施與有異才數蹇常書其牖曰人雖巧巧不過天人雖拙巧不過天故其行事重根本得失榮辱弗較也幼喪母太公諱桂林年高多病公以孩提隨杖履極色笑之養太公病篤託公於公舅新城令鄭公遂從鄭姓焉公敏姿博洽下筆數千言登鄉貢卽策仕直隸文河令時國朝新定鼎交屢經亂南北衝道水陸帶漢官兵如織交民奔竄十九公至招徠安定戢月市無闕肆鄰之民就避患焉 聖廟焚燬公約紳士議之交人曰兵旅騷馳之口且似不宜及此公曰正爲兵旅騷馳不可不先此耳廟成宜教化每約條於是禁里馬草民間倉庫役行保甲自嚴仁惠寡老弱流寓燕趙百城獨交邑一時有太平象親王統大兵南征鄰邑供具甚厚公獨持一茗一瓶酒詣王

日交民貧不能豐供贖罪在邑令王嘉之命坐賜飲食賞賚特渥知公之賢也居未一年直指使薦章列第一曰器宇煥發經猷豁異荒萊悉以開闢流亡賴之頰蘇可謂濟世之才傑出之士廷議不次擢公公適以丁舅父鄭公憂還先是鄭公病且危有客曰公舉卓異當督室垣聞鄭公病將母爲公礙卽復姓難得者時也公曰趨利忘義人誰與我吾所重在功名乎卒丁舅父愛國朝初西江張寇黨甫定盜賊滿山谷公補西江德興令城圯無以爲禦公晝不巡邏夜不設警踰月境多雜技術賈游手之人公潛訪一日召鄉夫修城夫集忽諭眾曰圍此室擒賊圍衙快李某家縛其渠魁密室中得鎗刀銃諸器數百件僞印數十衙快大將軍印如斗親解赴江撫江撫大喜馳疏奏捷大不言公公亦不之爭邑有捕盜至者公輒給牛種歸耕他日有客經山中盜誣獲諾所居里涕淚而釋之曰此德興公之民也終公在德盜不忍犯修聖廟平賦役定冊書重土類吏胥毋敢作奸有上



官求貨弗得會直指入境因誘之及察吏試策公首呈卷直指閱畢驚歎此曠世才也何辱在下吏久注上上考謗者大慙於是人皆爲公慶知遇而公復丁舅母憂歸公在德僅二年歸之日德人焚香祖路老幼男女哭送者道塞莫能前歸里姜寇初靖歲屢饑悉以家所積萬金散之里黨丁酉歲再饑復輸粟賑之至與妻子以糠粃自給戊戌補西江永甯令公始復姓至甯招流亡勸開墾有積荒地千頃積歉課至萬金數年爲甯人累上下困頓無策公自願撫憲啼泣乞疏免卒除之舊額課萬石僅餘三千石城經亂廟舍衙宇市肆焚無餘民請粗建衙舍公曰神民之衛必也先神而後人藉民居爲官舍先修孔子廟明倫堂事竣部議公以魚鱗册未完降一級魚鱗册前令事歷七年不就公急擇邑能吏一月完册報院院大贊異悔其屈也疏復調用公念數奇屢挫亦遂不欲復仕然寓去家五千里因歸計乃入粵貸遂卒於粵南雄府公之子襄誠公樞丐募歸里葬於臺東山之陽

葬之日深山邃谷識與不識莫不嗟歎泣涕弔送者數千人公之初赴甯也資斧甚微至高平問土人曰某公者仍健否曰有是人已物故無子孫幼寄食他所家貧不能葬柩寄廟中指曰此廟是公愁然曰吾十年前曾貸公銀十金道遠未償不意遽至於此吾何忍負亡友曾不得一抔土居也家人皆難之曰資將竭途修且亂俟歸倍償當兩得爾公曰吾困尙有生友既死矣三年不葬猶可緩乎封所貸同里人焚一紙於柩前諭居人此吾舊貸公銀可爲葬具諸公召其孫受之觀者數百人皆感泣公慙官不取一錢常曰吾無德及民惟不取錢耳不取錢則法行法行則奸息奸息則惡人懲而良民安不修褊服朔望朝賀公服其常服澣補不易謁省郡人遙見卽指曰此必某縣令至則果然蓋以其儉輿羸馬辨之孀母孀老無子事之如母飲食必親視卒哀毀厚葬鄭公三子皆撫教之族中有貧者資助賢者供書立祭田族人次第領之鄉人雖不識有求輒與不能繼或至典衣以

授有醉罵於門者閉其門次日悔罪公延諸庭飲食之如不知昨日事者然委寇反臺民並受賊誘公避居深山賊偵知脅使徙乃潛送妻王氏於母家山中獨夜半入城賊數萬圍城急公與邑令吳公百法守禦城卒賴全王氏至母家賊聚眾攻之寨峻壁千丈攻久寨將破王大罵賊一躍而下賊入寨知其無物也乃去母家見王墜崖謂必死既入聲在崖石間蓋因柏樹藤纏適墜其中引繩數十尋懸之而上眾皆驚異謂有神護公喜言陰騭不爲子孫營厚產與子襄遺命曰惟敬保身惟善保心惟寡慾保壽仁之道大其在不刻薄乎拆舊衣裳積舊粟用守舊房住此節用之道長久之理也小氣莫爭小財莫競小過莫怒小惡莫爲吾三任不取錢無所遺汝遺汝以善其善守之子襄孫佑禱佑禱贊曰吾聞先生仙遊之時援筆製兩曲其一曲曰奉勸吾家其一曲曰一笑回歸擲筆而逝當斯時也在他人且與兒女子啼噓流涕淒愴若將不及先生乃垂懿訓宗黨豁然而一笑嗚呼

豈偶然哉

王奕葉五臺人由貢生選襄垣縣訓導順治六年沈賊叛抗節殉難入祀襄垣名宦舊志

王公維字元輔五臺南頭村人父之翰由貢生宰禹城縣有賢聲公維以諸生教授鄉里明季

國朝大兵入邊編入軍伍隸漢軍旗籍大兵定江南授江甯縣知縣以廉幹稱擢戶部主事遷兵部員外

郎再遷吏部考功司郎中晉三品秩恪恭練事一時稱爲名臣蔚州魏敏果公象樞極推重之妻楊氏遭

兵亂與公維相失恐受辱遂自裁公維既貴追贈淑人新補

徐騰芳字蘭臺光澄子少讀父書見明鼎將革請於光澄願習武以保鄉閭光澄許之遂入武學中順治戊子科武舉人騰芳氣貌魁梧沈毅闊達多力善拳勇長於騎射順治六年五臺土寇蠡起所至剽掠獨騰芳所居不敢犯兵部揀選選六安衛領運千總數領運報最推升廬州府守備時三藩相繼叛犬兵南征半取道於淮肥騰芳和輯兵民彈壓地方護送儲

儋事咄嗟立辦民不知兵當事倚之如左右手三藩既平覃恩以軍功加級封明威將軍勞瘁咯血成疾卒於任新補

高鼎本名山五臺西雷村人少凶悍無賴雄勇多力爲惡少魁順治五年大同總兵姜瓖反代州劉遷糾眾應之鼎亦聚眾據下峪曹家寨四出剽掠宣府總兵李延壽以大兵至鼎乃効順隨大兵征勦積功至參將尋擢甘肅總兵王輔臣叛被羈知賊中虛實密遣人閒道歸報犬兵西討率眾來會關陝平從征吳

三桂以功授四川松潘鎮總兵鼎既貴移家大同

聖祖幸大同駐蹕其家賜匾旌之

據一統志新補

王運元字伯推五臺走馬嶺村人順治戊子拔貢部考以知縣候選己亥選廣東海陽縣潮州爲嶺南劇郡海陽尤萑蒲之藪運元寬嚴並用境轄漸平時入旂兵駐潮州運元慮軍民雜處不相安建營房以駐兵與民居隔別兵民皆歡悅鄭成功游魂海上沿海奸民接濟米糧

朝廷因有徙界之令時運元方入闈分校比出闈而海陽五都已議定畫界內徙期限嚴急人心惶惶將生變運元力請寬限民遂安帖先是海陽差徭論戶科派民多轉徙流離運元論糧不論戶民困遂甦在任十載外防海寇內戢兵民境內大治俸滿薦舉推升戶部浙江司主事未任染瘴卒

新補

**邑人**張繩主事王公墓志附錄

公之高才篤學和風雅度孝友

於宗族鄉黨濡洽於親友生徒者二十年余以中表師生承其教益者數年一旦遠任海邦睽違十載方幸其人司會計大展夙抱忽而告殞痛何如之今卜葬有日其長公子求爲之志余雖不能文忍以平生所親炙者不一實言之耶公之先世世敦本務學祖諱達材庠生宏畧偉抱爲時所推生

子二長諱桂秀字月英次諱槐秀字秋英卽太公襟懷瀟灑奇趣甚酒順治己丑春故以公貴贈海陽縣知縣母張氏余先祖其綱之次女亦於是春故以公貴贈孺人生子三公爲長諱運元字伯推幼而豐滿長而魁岸篤學好古過目成誦下筆數千言如長江大河秦峯華嶽崔嵬特立洵湧浩瀚而莫之能止年十三補邑博士弟子員十六食廩餼每試必冠多上累應鄉試而不獲一薦豈眞能文章者固不必科第耶順治戊子拔貢部考縣職又三應試不售慨然謂親友曰吾今日乃知以一貢終矣己亥授廣東海陽令不攜眷口冒暑長征時海寇內訌至江南道阻旅寓兩月其憂國之心寄於林吟有南遊日記刊行十一月至任海邦繁劇莫潮爲甚公以揮霍之才游刃披解三月而潮政平焉且莅政之餘每慮臺疲年荒族人多辦糧之苦八千里外捐俸代爲完納臺人至今有活族之頌後海邑多士大兵大役數見告焉藩鎮之師雜還雲集供億支應不絕既而王將軍統八旗移

鎮潮郡兵民混處公拮据經營建營房別民居兵無露宿民免流離風俗清焉朝廷復行斥地公方入闈典試邑司馬代庖而海邑五都竟在截中及試竣報命已定勒限遷徙公力爲申請得寬其限民方安息民有論戶之苦多累死公則論糧不論戶立石垂爲定則存活多人莅潮十載海寇時出沒公摘奸發伏除盜安民晝夜不避風雨遂染沈疴嗚呼天之報施善人固如是耶公平生善飲能詩待人以和臨事以決雖勤勞王事而山水襟懷每在流連其見之篇吟者不可殫述故見其文者欲想見其人然而見其人者能不痛其歿耶嗚呼公已矣公之後未艾也公娶張氏余從伯謙長女誥封孺人男八人長淑五次常五鳳五倫五燕五韓五聯五康五俱幼入庠女一適劉氏嗚呼公以長才絕學爲國爲民竟以勞瘁殞身吾知天之報施於公者當在厥子若孫也公享年四十有三命卜葬於青山之陽而志之爲銘曰卓哉王公簡

光前啓後子蔚孫蒸繩繩螿螿  
地瑞天徵千秋萬古永奠佳城

鄭嘯字樂山五臺醬坊村人少有才藻不拘繩墨康熙壬午舉人戊戌進士改庶吉士散館授檢討

世宗御極下詔求言嘯上封事曰臣以晉人得知晉事則莫急於晉省虧空之累而民情大可憫也自噶禮巡撫山西以來歷年虧空有增無減難以數計聖祖仁皇帝曾拳拳於此而渺未有清結之一時今巡撫將各州縣官員凡有虧空者俱題明數目革職留任勒限一年通完此其爲法似嚴於國課似爲有

益但各州縣之虧空多則數萬少亦不下數千且有虧空之數反多於正供之數者一旦限以一年通完此不出於民而何所出乎既有限期各圖補苴非重加火耗則徧行借貸此皆其顯然易見者也獨有巧爲科派之法擇里長甲頭之能事者或誘以恩或迫以勢令其亂寫紳衿姓名具呈上憲以情願急公捐助爲名此固上憲之所樂於批准者也一經批准按糧攤派而其數又溢於虧空之外虎役四出奉憲督催嚴刑追比而民不聊生矣夫以數年荒歉之區至

今斗米不下五六錢民自謀其衣食不暇而謂其急公尙義將誰欺乎果使民樸而良畏刑速納賣妻鬻子已不堪問設民頑而刁竟不畏法抗官拒役勢將安極耶臣愚以爲與其苦萬民不若出一令立將虧空之員革職追比而且嚴追其宅門之家人而且嚴追其腹心之衙役以其平日借官以取之於民者今日助官以補輸之國此亦天理之當然而人心之所共快者也夫凡長隨衙役其初本皆赤貧今計山西各州縣之家人書辦衙役起家數千金者不知凡幾量其家資於十分之中而追其三以佐本官之不足而虧空可立補矣不然則不如酌量減免之法或免三分或免一半使彼速完國課而此後亦不得借此以累民也至於目前捐助之累請

敕諭巡撫凡係批准呈詞火速行文州縣已輸納者准抵正項錢糧正在追比之際者速行豁免而晉省之民生得安矣臣以臺人習知臺事則莫急於臺山喇嘛之累而民情又大可憫者也自康熙二十二年奉

旨於五臺正供錢糧之內撥銀一千二百兩爲菩薩頂射虎川二處喇嘛採買米麪茶葉油鹽草豆之類以爲僧眾日用之需此原係給銀喇嘛令其自行採買而非以累民者也彼時不肖縣令見年豐穀賤斗米不過一錢諸物俱無貴價將此項銀兩既不給之喇嘛又不發之百姓侵吞肥己硬派里民逐物估價按糧攤送延今四十餘年竟爲常例而喇嘛亦恃爲奉

旨供給之物按數檢收之時高量重稱均所不免深爲民累而莫可如何四五年來歲歉物貴比從前遠過數倍當年一千二百兩可致之物今則必需五六千金矣且稻米茶葉香油等物俱非五臺所出而必取於數百里之外採買盤纏運送腳價又非數百金不可此時之縣令卽以一千二百兩之數全給百姓已不足十分之二三而况乎其未必全給也是以拮据無法連年不無拖歉喇嘛督催縣令嚴刑追比在喇嘛亦未沾其實惠而民已大受其累矣計臺邑之正供止一萬二千兩而供給喇嘛之費反在五六千



兩之閒彈丸小邑民何以堪臣請

敕諭巡撫行文本縣將此一千二百之項如數給發聽其自行採買從此永爲定例則喇嘛亦得沾

朝廷養濟之恩而臺邑之民生亦得安矣此二者雖皆臣桑梓之事而實國計民生不容緩之要圖伏望俯賜採擇疏入奉

旨查辦時縣令陸長華抵任訪知喇嘛諸不法事欲懲治之而未發適喇嘛典器僧瑣喇木元旦有因姦逼殺民婦杜王氏之案長華以計誘擒之訊供通詳

並因囍奏奉有查辦之

旨備陳喇嘛科派橫索擾民情形得

旨實瑣喇木元旦於法每歲從地糧中撥給喇嘛銀一千二百兩令喇嘛自行採買諸物科派之弊永遠革除合縣之民始出水火囍尋奉督學福建之

命差竣授吉安府知府調南昌府卒於任

新補

徐敬儒字東洽騰芳元孫父天敘增廣生操履方正有盛德鄉人以爲矜式敬儒讀書勤敏治舉業三年不解衣一日能爲文十餘篇乾隆己卯舉人丙戌大

挑一等分發北河補霸州州判陞漕運通判再陞永定河南岸同知性剛直強毅才識通敏能任盤錯抵漕運通判任甫三日而潞河決急募民夫堵合親立泥淖中指麾兩晝夜而決口塞水不爲災賠累數千金不卹南岸爲全河喫重之處履任卽逐日驅車河干自凌汎至霜降無一日息以故全河形勢瞭如指掌隄岸修守之法取紆取直別有心得又予河兵錢使作斷取蠲設督撈蝦晝夜不離河味得利俾贍妻孥有險失報則重責在任數載北岸屢失事而南岸

無涓滴入民田每年歲修之帑悉歸工用不以一錢入囊橐上官知其廉能將奏陞正定府而漕運任內適有失察武弁冒領工銀之案部議降二級調用尋丁外艱服闋捐復赴部選江西九江府同知先是江西漕船北上屢以遲延獲咎至是派敬儒爲總運渡黃入北運河察河水足用而船行特緩密遣人於水底錐探則船底暗懸大木故重墜不前也敬儒大怒呼集旂丁水手曰前運官分爾肥任爾作弊無敢聲我未攜尺木何所挾持而敢如是皆陰喝汗流叩頭

服罪命斧斷竹索大木悉浮水面由是船行駛甚先  
期抵壩坐船泊張家灣候押回空患時疫渴熱夜半  
昏瞶中從船窗中望見水探身取飲墜入水人覺救  
起已卒矣河閒相國紀文達公敬儒座主也嘗曰君  
材幹器局他日必爲名封疆勉之聞其卒也爲之扼  
腕歎息

新纂

劉溥元字善長五臺上金山人弱冠入泮治舉業勤  
苦忘寢食嘗隨父理梨樹園歸取午餐提筐行默創  
腹稿文成趨學舍急歸遂忘饋家貧腰鎌刈草飼驢

方拈題構思行臨斷崖不覺失足落澗中幾殞乾隆  
戊子舉於鄉己丑成進士辛丑選河南內鄉縣決獄  
聰察如神居數月積案全結西鄉有虎而冠者三人  
魚肉鄉民勢成負嵎夏不敢到門積年逋賦數千金  
官隱忍代贖莫敢過問溥元訪得實夜率丁役二百  
人會營往捕先得其二縛送城中其一最兇頑役從  
衾中縛之走其妻保而升屋聲礮徒黨全集追奪溥  
元部勒丁役格鬪眾披靡乃押回通詳駢誅之合縣  
稱快呼爲白臉包爺爺甲辰歲大荒道殣相望溥元

出倉穀四萬石活其民慮干例駁先發後報上官嘉之浙川有殺人而兇手兩人疑者檄溥元往鞫溥元置兩人各一室夜分遙作嚴刑拷掠聲而分報兩人則皆曰渠已服罪矣一人喜一人聞之而意若失究其意若失者果正兇也案遂定乙巳調署南陽除前任苛政數事丙午回本任滑縣地介直隸山東爲兩省逋逃藪要犯多出沒其閒又地廣賦繁吏胥因緣爲奸勢不可治兩司檄溥元往治不數月要犯半弋獲逋賦亦清尋派挑引河駐河干八閱月而工竣旋

丁母憂服闋將赴選疽發於髀而卒年四十五溥元有吏才早卒未竟其用論者惜之

新纂

徐澗第字德夫學者稱廣軒先生敬儒次子幼穎異

眸子有清氣射人年十一卽能文三韓王秉韜令五臺縣試取爲案首遂從秉韜遊懋榆次忻代保德諸任學業大進乾隆戊申登於鄉乙卯恩科成進士

以內閣中書用保送軍機章京因貧不能具車馬辭免補舍人轉典籍倬直之外閉門讀書不履津要之門嘉慶戊辰補儲濟倉監督履任而月積弊釐剔一

清次年卽有稜米霉變之案各倉監督皆革職分贖儲濟米獨乾潔旣而通州中西兩倉白米案發官吏以侵虧伏法倉場檄潤第兼署中倉事三月之內條上七事皆窾會侍郎戴聯奎以爲能奏調海運倉引疾歸省松楸次年入都補中書辛未選湖北施南府同知溯川江西上至巴東之南垞遇風暴舟覆眾皆呼號潤第危坐船幫神色不動有小舸從上游來救之登岸同知駐利川縣履任閱卯簿胥役逾八百人訝曰何多也詢之則大半游手無藉挂名充役羅織

殷戶唆人捏控得賄則上下分肥潤第慨然曰畜虎狼數百而啖其搏噬之餘是盜賊也何以官爲擇留愿樸者數十餘悉汰去架控者重懲之條教簡重風聲肅然郡守南豐譚光祚請於督撫調郡審積案潤第剖決如流不數月結控案三百餘施南三面鄰四川川匪名紅錢客時結隊入境剽掠潤第與光祚商定方畧倣古守望相助法頒之民間鄉擇社長一人授以防捕機宜盜來輒失利遂裹足不敢入光祚因會鞠大獄赴省以潤第權府篆刑錢案件詳核精審

屬吏不敢以五日京兆相視光祥旋調首郡潤第遂  
引疾光祥挽留佐其首郡之治數月而光祥卒門人  
王祁爲光州牧迎之至署佐其治庚辰歸里設教從  
遊日眾後設教於晉陽崞縣介休道光丁亥卒於介  
休館舍潤第性剛毅有大節簡易通達不解沽名生  
平一介無苟取服官二十餘年衣不盈兩箚中書冷  
秩郡丞閒曹而所至如錐脫穎必有樹立中歲則潛  
心易學悟入元微先儒理學之書讀之殆遍旁涉二  
氏百家皆以易象折衷生平未嘗專著書門人有質

疑者隨問條達或讀書有得隨手劄記古文得乾坤  
清氣尤工紀事稿多散佚制義以古文爲骨理法最  
精卒後子繼畚從門人處哀集得雜著十七卷曰敦  
良齋遺書制義二百餘首日敦良齋時文俱授梓新纂  
徐寅第字虎臣潤第從弟幼敏異凝重不妄語爲文  
秀潔工詩賦小楷尤精會稽莫侍郎晉督學山西取  
充嘉慶辛酉科拔貢

朝考以知縣用分發直隸委署肅甯縣時同班分發  
直隸者四人總督惠州顏檢札詢以爲治之道令各

杼所見寅第上對曰職初從田閒來安知治體顧嘗問古人之言曰勤可補拙儉可養廉職窶人子以訓蒙餬口從朝至暮無暇晷故常習於勤歲得脩脯三四十金事畜僅免饑寒故常習於儉竊願以處蒙館之勤移之從政庶不至於廢事以處蒙館之儉移之服官庶不至於敗檢制府閱之大喜鈔頒通省爲矜式自初署肅賓卽絕苞苴嚴請託風裁冷峻有笑比河清之目疑獄一訊卽決案無留牘於倉庫尤慎重量入爲出雖窮急不挪移分毫後署肅賓補威縣政

治如肅賓癸酉題補故城履任數月而教匪之事起滑縣人郝振芳者寄居故城習教傳徒滑縣事起遣弟子四十人往應之寅第偵知託故下鄉夜半獲振芳以歸嚴訊得弟子名籍屈計時日犬兵已圍滑縣四十人者不得入城且返沿途置密捕到輒禽獲無一人漏網悉解省正法丙子調河閒縣河閒附郭爲東道衝途驛馬百餘匹寅第均徭役時芻秣民無苛擾馬無倒斃府中控案如麻太守穆揚阿悉委寅第訊鞫一訊輒結常有餘暇遇旱災分境內村落爲三

等某某村豐稔宜新舊並徵某某村歉薄宜緩舊徵  
新某某村成災宜並緩徵新分別造冊即如列眉藩  
司姚祖同極贊之頒其式於通省戊寅升景州知州  
道光元年辛巳升順天西路同知所至皆有治績壬  
午冬、

特旨擢河閒府寅第歷河閒五州縣民間其來欣欣  
額手河閒詞訟之多甲於通省寅第味爽即起不櫛  
沐閱文書隨閱隨批十指如雨下早餐畢升堂訊鞫  
案情如懸鏡狡猾者不能隱輒叩頭駭服漏二三下  
乃就寢積一載餘塵案肅清而訟亦衰息矣癸未直  
隸大水督屬吏查災分數必實戶口勿漏計費帑近  
二十萬米稱之司議以爲太多宜減寅第堅持不肯  
卒如所請災黎得免溝壑是年大水之後各河決口  
縱橫寅第疊稟請興工堵築時襄平蔣礪堂相國攸  
銘爲直督委清河道某來查估欲用以工代賑之例  
寅第爭之曰凡以工代賑者皆土工也意在賑而不  
在工今決口數十需稽料甚鉅非僅僅土工也專用  
工賑例料無所出官不能賠必借資於民災黎啗草



根不飽，又因之以科派，非惟府怨，事且不集。某歸謂寅第梗成議，不肯用工賑例，相國怒，以札責之。曰：料卽不可，土工奚不可？奈何不顧大局，徒知要譽耶？札發而寅第議上，乃與相國所言同。甲申秋，工部侍郎程含章奉

命查辦直隸水利。寅第所派隄河各工段，獨與別段不同。程侍郎蔣相國先後來查，皆歎其實心任事。乙酉秋，調署通水道。次年丙戌，逆裔張格爾反，回疆調索倫勁旅徂征。或曰：行內地，或曰：行塞外。屆期猶無的耗。寅第揆度事勢，謂必行內地。飛檄沿途州縣，備儲侍車馬，部署甫定，而前隊已抵關門矣。制府那文毅公彥成謂之曰：微君在彼，幾缺軍興。獲大咎。己丑陞清河道，屢

召對，皆稱旨。辛卯，琦靜菴相國善爲直督，奏令兼署直隸按察使。寅第爲郡縣久，熟於案情律意。至是，司刑名總匯，閱讞牘有疑，卽批駁炳燭治獄，詞漏下三鼓，猶操管疾揮，不覺其勞也。屬吏深州牧蔣兆璠者，寅第同年友，以短解錢糧，撤任，怨寅第之不庇也。授

書列款誣詆寅第上其書於制府制府入奏欽差兩侍郎來鞠蔣所揭各款皆誣以節壽陋規擬革職發軍臺効力蔣以險詐擬城旦

諭旨有徐寅第平日居官非聲名狼籍之人等語寅

第感恩知單車赴戍以讀書作字自娛毫無怨尤甲

午秋以疾卒於戍所

新纂

張騰霄五臺橫嶺村人由武舉挑兵部差官差滿以營守備用短小精悍膽氣過人嘗射獵山中遇虎燃火鎗躡大石旁以俟虎竟竄避咸豐三年選九江鎮

標右營守備時九江已失守兩營收潰兵屯於近郊騰霄迂道湖南半年乃達入謁右營遊擊補服花衣帶刀跪呈履歷遊擊某方短衫臥帳中吸鴉片煙騰霄大怒擲手版從牀上捉之起曰汝何人敢冒充上官遊擊曰此閒向規如是騰霄曰督撫提鎮見屬官皆冠帶無褻衣偃臥吸煙者此必長髮假冒耳眾弁分解之遊擊謝過乃罷營中領回千餘金遊擊填私債久不發兵缺餉已數月騰霄見遊擊曰寇在戶庭而兵無餉旦夕且生變某不敢任此咎將稟撫鎮遊

擊懼傾橐還之。兵得餉踴躍願出死力。嘗與左營並出擊賊。騰霄身先士卒。衝入賊隊。擊殺數百人。賊已披靡。而左營先遁。不得已亦收兵。賊由此畏之。望見其旗輒引去。江撫聞之。檄署建昌都司。並督帶鄉勇。時江西徧地皆賊。撫建兩郡尤當衝。騰霄署任三年。聞警卽迎擊。大小數百戰。擒斬無算。賊竟不能近城。咸豐七年。鄉勇有通賊者。謀爲變。騰霄率不變者急擊之。半日中。手殺數百人。亂乃定。身浴血。血氣薰蒸。暈絕良久。乃甦。病數日而卒。先是江撫將以其累年

勳功保陞遊擊。帶花翎。奏未及上。而騰霄卒。僅照都

司例。廕一子。

新纂

未仕

宋張永通。五臺東崗村人。大節之祖。宋鄉學生。舉鄉薦。友睦兄弟。田宅悉以推之。試進士。稿成未繕。忽目眩。不能書。有欲代爲書者。不許。曰。倩人代書。是欺君以欺天也。得第何爲。遂曳白而出。由此絕意仕進。修舊志

金王敏夫。五臺人。好學篤行。尤工詩賦。爲時推重。累

五臺新志卷三  
徵不起教授鄉閭遠近儒流悉宗之

舊志

**田**中州集敏夫作詩工於賦物甚爲趙宜之所稱

集中存其詩二首

明解瑢五臺人學問淵博文行並茂永樂三年登進士第傳臆畢歸里省親雅意好修淡泊自如終身讀書不復仕進遠邇服其高致

修舊志

鄭邦彥五臺青山人秉心質直操修端潔博通古今不樂仕進常言異端害正佛氏爲最誠訓合族力闢沙門至今鄭氏不信用浮屠法

舊志

楊籠字擢虎五臺諸生仁厚孝友博通經史值明季知天下將亂遂謝舉業以五經教授生徒臺士無業麟經者令子鳴鶴弟子鄭斌選等同治是經爲之詮解經傳大旨且曰春秋乃聖人不得已之作余命汝等習是經亦余之不得已也世居峯山人稱峯山先生

舊志

國朝徐桂芳字爾香光澄兄子少美風儀有才畧爲文千言立就汪洋奇恣不拘繩尺崞縣李中丞楠愛其才以少女妻之順治二年乙酉

國朝初開科，選充拔貢生，性曠達不羈，好聲歌，蓄小戲一班，教之度曲。順治五年，大同總兵姜瓖反，代州土匪劉遷聚眾應之，據五臺之寶村爲巢穴。五臺土匪高山等各據險剽掠，因而各鄉土匪如蝟毛而起。六年八月，桂芳方寢，忽二三百人排闥入，露刃羅跪庭中，曰：「某等將起兵，無帥，聞先生智畧如神，願爲我帥，聽約束。」桂芳諭之曰：

大清已受天命爲中國主，張李數百萬眾俱成灰燼，奈何嘯聚山谷爲滅族計耶？眾不聽，曰：「勢已騎虎，不能下，今日必得先生爲帥，有死無二。」桂芳沈吟良久，曰：「勢不能已，我亦無如何。」然如此草草官兵一到，卽齋粉能聽我令，則爲爾帥，否則任爾等屠裂，眾皆曰：「願聽命。」桂芳操紙筆曰：「爾等首事者幾人，可各報姓名，村落住趾，報者十餘人，書訖曰：「起事非千餘人，不可爾等躡，可各糾人備器械，造旗幟，取歷書閱之曰：「某日祭旗起兵大吉，速歸勿洩，眾謹呼羅拜散去。桂芳卽秉燭作密函，緘名單致縣令，屬密速掩捕，令一優人縫書衣中，僞爲入城送戲者，凌晨入城密投之。

縣令吳琮密差幹捕分路往捕眾匪方歸出不意悉縛之來立即駢梟於市桂芳度其必報復遣妻子匿他所夜半入城將爲縣令畫殄賊策路遇羣賊露刃脅之曰公不肯作賊當明言奈何誑殺我頭目今不敢仇公仍乞爲我帥不者且殺公報仇桂芳仰天大笑曰興朝初取士以我爲選首方思殺賊報國豈從爾狗彘反耶因極口大罵賊攢刃殺之而去新補

**注**邑人張繩有徐爾香墓誌銘附錄余從舅爾香四十年其子羅麟蹙麟卜地於紫金山之陽將改葬焉乃以其墓志屬余曰先大人之卒也以亂不

克詳其禮今幸能既其事若使先大人之志業不永實戾於余心然先大人行誼惟子能知之亦惟子能述之余不敢辭謹譜公臺人家世詩書業祖父鏞爲陝西陶王府教授父光涉邑庠生公早承家緒苦志潛修讀書不務章句割裂惟求古人大意必窮其首尾而後偃其爲人推顏落落不拘繩尺不立畛域而文章之恢怪亦如之天性直質高曠一切死生富貴不足以動其心及夫義之所在勃然其不可遏世俗驚先生之宏偉也常以爲謨先生鄙世俗之不足相狎也閉門寡交以誦讀爲樂而其夙所停蓄惟俟深知者一吐之耳值臺邑盜賊蜂起圍逼孤城公潛詣城陳拒賊策爲賊所獲遂自盡嗚呼殺身成仁可謂俯仰無愧不怨不尤之君子矣公徐姓諱桂芳字爾香少入庠爲臺名儒順治二年拔貢終於順治十六年秋八月公配醇邑李氏後公三十年卒以康熙二十五年三月八日合葬於紫金山之陽銘曰惟積不施爲義躡生天之不視非先生屯紫山之原沱水之濱以

靜以甯是爲幽宮爰考其行刻  
石壙中陵谷有變此石不泯

徐鴻鳴字鳳臺五臺建安村人光澄族侄性沈毅寡  
言家多藏粟好揮金結客明鼎旣革各鄉土匪多糾  
眾剽掠鴻鳴散家財修堡寨糾合村人爲保聚計外  
來遊手有豪健善技擊者輒衣食收養之順治戊子  
大同總兵姜瓖反代州劉遷聚眾應之五臺高山等  
亦據險劫掠鴻鳴杜塞要隘率村眾堅守堡壁聲威  
甚壯時宣府總兵李延壽奉

命征勦檄派鴻鳴爲南路練總鄰村東建安有王某  
者投姜瓖受遊擊僞職歸而據山頂結寨四出殺掠  
鴻鳴曰此肘腋之患不除且受其害因設筵招飲王  
某有佩刀可削鐵恆攜以自衛旣而飲酒酣甚乃解  
刀懸壁閒鴻鳴伏壯士突起擊之斬其首其黨駭散  
旣而賊以大眾迭攻鴻鳴設方略隨時堵禦相機出  
擊相持數月賊卒不能破時五臺各村社賊所過成  
墟獨建安屹然無恙會李延壽以大兵至賊乃敗散  
延壽檄鴻鳴隨軍招討餘匪漸平鴻鳴於山頂懸大  
鑼派人輪流瞭望無事在田耕作有警鳴鑼聚集夜

則嚴更以守縣令董以威因公赴省夜過建安遙聞金聲嚴肅而和歎曰此真眾志成城也既而叩堡門司更者曰昏夜不能辨未敢開鴻鳴至審知是官乃開門以威謂其有古名將風改建安村名曰保安後歲屢饑輒出藏粟活眾滹沱水漲人艱於涉秋冬架木橋春夏養水手八人以送渡鄉人立碑頌之新補張燠字孔昭五臺小竇村人學者稱龍池先生幼清異昏夜無燈能讀書或熟寐他人出入語言動作醒皆歷歷述之博涉載籍深悟聖學大旨沈靜淡泊人

莫測其器量弱冠娶於崞縣李氏中丞楠之孫女也親迎至里門里人闔門索綵紅錢燠驟馬而返主人聞之大駭追二里許乃挽轡止之曰此鄉中舊俗奈何遽爾燠曰他家無責爾公家詩禮望族奈何以婚禮爲兒戲主人謝過乃回中順治辛卯第二名舉人大同總兵姜瓖叛夙耳燠名遣人脅之入幕燠僞臥病賊昇以行中道逸歸賊怒圍其居縱火焚殺妻李氏暨家人死者七人燠匿地窖中以免亂定後閉戶讀書所學益邃太原徵士傅山與燠爲講學之友晚



歲結茅以居潛心道要每徘徊花樹間拱立凝思欣然時有所得崞縣李太史燕生受學於燠隔一兩月輒策蹇來一日講孟子無為其所不為章語一時許猶未畢燕生起立曰語多恐不能融貫請俟他日燠悵然曰天下容有能講書者何必龍池燕生訝然歸未旬日而訃來則燠卒矣燠性孝友居喪毀甚兄失明推讓田宅所著有四書正義易注等書嘗就正於傅山山為校正題曰五芝堂十卷甥王還元宰廣東海陽縣攜稿赴粵謀授梓未及梓而還元卒於任稿

遂散失後人有鈔集者乃雜文及詩非原稿也修改舊志

**涇**邑人闔襄有張龍池先生傳附錄先生張姓諱燠學紫陽象

山之學並存靜敬淹洽古今而以性命為宗讀書南山山下近龍池四方學者稱為龍池先生其先世自清河徙臺東鄉業農教子孫讀書敦禮義歷七世繁衍富厚為臺望族正字公諱其綱明選歲貢士重義好施與鄉黨賴舉火數百家四方遊客困歸者設開院優養行則餽餽窮途感之名十方院云愛人讀書見蒙學即給楮筆墨為出貲鬻書有達者如己達也邑有古君子之稱焉生三子長燠早逝先生行二季燠先生天資穎慧五歲能誦古詩解大義性簡靜嚴重不苟言笑博貫子史百家探天人本源力敦孝弟嫻睦正心誠意之道辛卯登鄉薦而先生不自以科名重也曰此自偶試得之得失何與焉自孔孟以來相傳者何物斯乃吾人之大業耳手著四書正義六卷易註二卷教甥

任弟子闡扶淵義河洛象數之旨旁通四貫皆前  
 人之未發不疾行不倚坐不踖立夏不扇冬不爐  
 一布袍衣數年縫裙敝裂明潔無垢居父母喪扶  
 杖骨立葬祭遵古禮時有白鳥棲屋傍樹色如鷺  
 集三載去人以爲孝思所感兄幼失明分爨田宅  
 先擇美者讓之姜寇叛雲中太原以北千里響應  
 寇稔先生名數迫從先生假病劫縛以去中路潛  
 遁歸寇縱火掠殺夫人李氏與任翠屏七人並遇  
 害先生藏地陶免寇平見屍骨殘徧野先生以葦  
 席掩七百餘骼歲更饑設法賑贖多所存活厥後  
 每歲除日散粟貧乏里人賴之亂後驚上莊安姓  
 者荒田數頃平久地闢值增數十倍家人喜得肥  
 壤先生曰此安姓田也取原值還之王辰歲例應  
 揀選親友勸行先生曰吾無意功名久矣卒不就  
 詩致類彭澤先生好緩步所居茆屋數間僅蔽風  
 雨而門逕曲折皆植松柳杆成林先生時步其下  
 每數武則拱手靜立若誦若思弟子不敢問問亦  
 不言與賓友弟子坐喜談古人事因類感觸輒舉

數百餘段誦漢魏來古詩詞如展卷讀常語弟子  
 曰學者品行大端爲利誣敗德亂行莫此爲最至  
 讀書則必力行期合古人無本之學不足取也  
 詩集數卷並四書易註皆授甥王運元元遊宦粵  
 中攜將鐫行元卒於官稿遂失學者惜之贊曰  
 丙辰禮闈嘗與先生同號舍見終夜端坐未嘗少  
 寢事畢英彩耀如也聞先生幼時書室熟寐人出  
 入取攜言語醒皆歷言之如未嘗寐者襄常問先  
 生曰幼信有然今不能矣此謙辭又過龍池先生  
 也嗚呼先生所養殆不可測矣  
 草堂詩 遙訪草堂好滿架盈圖籍展玩不忍去主  
 人所適但教壺中有酒足三更明燭紅爐永今夕  
 客自爲君能待客 注先生適欲他往因送之

鄭斌選五臺人康熙壬戌拔貢生從楊籠受春秋有  
 師法少孤事母至孝博學工詩賦家居教授生徒成

就者眾一時稱爲名儒

修舊志

閩襄字申之士樟子少有雋才隨父宦遊南北見聞博洽文益闳肆中康熙壬子科舉人二十二年

聖祖巡幸五臺山親御繁弱殪猛虎於長城嶺下錫山名曰射虎川襄爲碑文恭紀其事文章瞻博一時推爲大手筆書法尤工其遺墨人寶貴之子佑禧亦以文學知名

新補

案襄爲斯文恭呈 上閱極蒙嘉贊命有司勒

於瑱珉賜黃金三十兩以爲讀書之資勉其及時

上進未第而卒邑人鄭疇有詩云

英雄自古重遭逢每過殘碑憶

舊蹤賦獻龍泉迎翠輦金頌鸞嶺捧黃封鴻文不朽堪千載佳語常留在五峯未待曲江人已沒惟餘片石傍孤松

曲子宜五臺河邊村人博學多文潛心性理尤得力

於近思錄肄業晉陽書院與興縣相國孫文定公嘉

淦定襄齊解元建中薄進士人龍皆推一時名宿而

子宜理法之精諸公尤所心畏困於鄉舉迄不得售

孫文定公督學江南延之入幕校拔精審南士皆折

服文定爲延譽公卿聞爭欲羅致門下而子宜恥於

千謁卒以青衿老

修舊志

徐天敘字典五騰芳曾孫父賜祿赤手起家以宏厚聞天敘入泮知名文學成宏體簡貴無枝葉早謝棘闈潔斗室讀書其中終日危坐無跛倚時有盛德和氣睍然見者如坐春風中治家以禮內行修飭閭閻無譁笑聲仁厚好施予鄉人有爭競就天敘取平一言剖決咸悅服罷去人比之王彥方教子孫有家法爲外吏者皆以廉稱

新纂

五臺新志卷三終

